

LEERLINGRAADVERKIESINGSBELEID

1. NOMINASIEPROSEDURE

- Slegs graad 11-leerders mag nomineer.
- 'n Leerder mag 10 meisies en 10 seuns nomineer uit die lys van leerders wat kwalifiseer volgens akademiese - en gedragskriteria.
- Indien 'n leerder nie by die skool is op nominasiedag nie, verbeur hy/sy die geleentheid om te nomineer.
- Indien 'n nominasievorm nie die nomineerder se naam op het nie, word dit as 'n bedorwe nominasie hanteer.

2. KRITERIA VIR NOMINASIELYS

- 'n Leerder moet 'n gemiddelde jaarpunt van 50% in graad 11 hê. Die jaarpunt word as 50% van die eerste kwartaal en 50% van die tweede kwartaal bereken. Geen druipekandidaat sal kwalifiseer nie.
- 'n Leerder moet 'n bevredigende gedagsrekord op die dissiplinêre stelsel hê: ten minste 400 positiewe punte, nie meer as 400 negatiewe punte nie, geen kategorie 3-inskrywing in huidige jaar nie en netto positiewe punte.
- Die 50 dogters en 50 seuns met die meeste nominasies sal op die lys verskyn.
- Nuwe leerders wat deur die loop van die jaar ingeskryf het, moet ook aan bogenoemde kriteria voldoen m.b.t. nominasies, positiewe en netto positiewe punte. Negatiewe punte sal in verhouding tot tyd by die skool bereken word.
- 'n Personeelvergadering word gehou om die voorlopige nominasielys te bespreek en waar leerlingraadvoogde ook sal terugvoer gee oor die vorige termyn. Tydens die vergadering kan personeel leerders afhaal van die voorlopige lys as 6 van die leerder se voog- en vakpersoneel die weglating ondersteun.
- Personeel wat nie die nominasievergadering bywoon nie, mag nie stem nie.
- Die Bestuurspan en Leerlingraadvoogde mag ook 'n leerder van die nominasielys verwyder met inagneming van die volgende:
 - o Sosiale mediaprofiel
 - o Voorkoms
 - o Chroniese afwesigheid
- 'n Finale nominasielys word saamgestel nadat leerders hulself bereidwillig verklaar het om op die leerlingraad te dien deur 'n dokument te onderteken wat die pligte en gedrag van 'n leerlingraadslid uiteensit.
- Leerders op die finale lys se foto's sal voor stemming op kennisgewingborde geplaas word en leerders sal aan die skool voorgestel word tydens 'n byeenkoms in die saal of op die pawiljoen.

3. STEMMING

- Verkiesing vind per stembrief/elektronies op dieselfde dag deur leerders en personeel plaas.
- Die aantal stemme/leerlingraadslede sal deur die aantal geregistreerde leerders op die verkiesingsdag bepaal word. Vir elke 30 seuns/dogters word vir 1 leier gestem.
- Leerders/personeel moet vir ten minste 50% van die voorgeskrewe aantal kandidate stem. Minder as 50% stemme of meer stemme as die vereiste getal, sal 'n bedorwe stembrief wees.
- Graad 9- en 10-leerders: Seuns stem vir seuns en dogters stem vir dogters;
Graad 11-leerders en personeel: Stem vir beide seuns en dogters.
- Graad 8- en 12-leerders stem nie.

- Slegs personeel met 'n SACE-sertifikaat (behalwe in die geval van leerlingraadvoogde), wat langer as 6 maande by die skool is, en wat die nominasievergadering bygewoon het, kwalifiseer om te stem. Personeel word nie verplig om te stem nie, veral as hulle nie die leerders ken nie.
- 'n Personeel met stemgeregtigdes, voorsien deur mev. Van Nieuwenhuizen en mev. Venter, sal beskikbaar wees en moet geteken word wanneer personeel stem.

4. TELLING EN VERWERKING VAN STEMME

- Stemverhouding
 - o Leerderstemgewig: 50% van totale stemme

Gr. 9-leerders	1:1
Gr. 10-leerders	1:1
Gr. 11-leerders	1:2
 - o Personeelstemgewig: 50% van totale stemme
Alle personeel se stemme dra dieselfde gewig
- Die leerlingraad moet die demografie van die skool reflekteer. Die demografie van die graad 11-groep word gebruik om die verhouding te bepaal.
- Tydens stemverwerking moet daar 'n onafhanklike waarnemer teenwoordig wees, bv. 'n departementele werknemer en/of 'n prokureur.
- Mev. Le Roux en/of mev. Van Nieuwenhuizen moet die verwerkingsformule verifieer.

5. STEMMING EN VERKIESING VAN HOOFLEIERS

- Hoofleiers word deur die nuutverkose leerlingraad en personeel per stembrief verkies.
- Leerlingraad stem na afloop van die leerlingraadkamp.
- Personeel stem na afloop van die leerlingraadstemming uit die top 8 seuns en top 8 meisies wat deur die leerlingraad verkies is.
- Leerlingraad en personeel stem vir 4 seuns en 4 dogters. Meer of minder as 4 stemme is 'n bedorwe stem.
- Stemverhouding:
 - Leerlingraadstemgewig: 50% van totale stemme
 - Personeelstemgewig: 50% van totale stemme
 - Leerlingraadvoogde: 1:2
 - Ander personeel: 1:1
- Die 5 seuns en 5 meisies met die meeste stemme word aangewys as hoofleiers en onderhoofleiers.
- Die leerlingraadkomitee sal hulle portefeuljes toeken.

6. ALGEMEEN

- Indien 'n leerlingraadslid die skool verlaat, of sy/haar leerlingraadposisie verloor voor die einde van die verkiesingsjaar, sal die volgende leerder op die stemlys aangestel word in sy/haar plek. Daarna sal geen leerder aangestel word nie.
- Leerders wat by 'n ander skool op die leerlingraad gedien het, kan nie by MHS op die leerlingraad dien nie.
- Medaljes word aan die einde van die jaar by die prysuitdeling aan leerlingraadslede toegeken, na gelang van hulle toegewydheid, betrokkenheid en gedrag gedurende die jaar.

7. TUGSTELSEL

- Die verkose leerlingraadslede is onderhewig aan 'n streng tugstelsel m.b.t. voorkoms, dissipline en gekoppel aan die gedragskode en merietestelsel van die skool.